

安陽縣志

安陽縣志卷之五

邑令襄平馬國楨纂修

學校志

學宮

禮樂

名宦

鄉賢

鄉飲

鄉射

學田

典籍

社學

義學

附

國楨曰至聖之祀何昉乎自魯公立廟而後漢

高過魯而祀事肇興由是代有褒封世加殊禮

至明而崇祀之典大備我

朝悉仍舊制而特典往往過焉諸郡縣仰承

上意罔不以崇師重學爲兢兢况安邑舊文獻之邦
人文甲於河朔則學宮之修自應爲諸邑先今
者廟廡祠堂規制亦云麤存矣而其間之禮樂
失傳典籍散佚射圃學田以及左右社學又多
有名存而實亡者甚非所以謹庠序也修廢舉
墜存乎其人羅而列之亦餼羊必存我愛其禮

之意而已作學校志

○學宮

府儒學詳郡志

縣儒學在縣治西數武明洪武三年知縣蔡誠建

正德九年知縣章綸大修廟學凡殿宇門堂廚庫倉

庖以及號房官署無不煥然鼎新邑人崔銑爲記

載藝文志

正德十五年知府陳策建尊經閣五楹撤兩廡而新

之亦崔銑爲記

嘉靖十年知府王天民建敬一亭五楹有記

嘉靖二十三年知府高鸞重修齋房官宅撤舊更新

其文昌祠則教諭韓漑訓導王紳劉俊生員魏輅

等建有記

嘉靖二十五年知縣張九臯增修廟學建泮池坊更

衣所補置祭器先是諸生謀修啓聖祠未逮至是

并成之有修學記

萬曆六年知縣馬允登重修學宮有記

萬曆十三年知縣劉元霖重修賈應龍爲記

萬曆四十三年知縣王登三重修廟學教諭王自亨

爲記載藝文志

國朝順治十三年刑廳俞璧重修知縣程一璧爲記
康熙二十八年知縣武烈重修有記

康熙三十一年知縣馬國楨重建明倫堂盡撤其舊
而新之教諭馬四瑞訓導劉島協力修啓聖祠

先師廟五楹舊名大成殿嘉靖九年改正祀典詔稱廟不稱殿 國朝因之康熙二十三年頒

御書萬世師表匾額懸其內兩廡列於廟之東西戟門五楹左右神廚神庫各二楹省牲所更衣所俱列其傍櫺星門三楹前面泮水左右二儒學門廟之後爲明倫堂堂之東西序舊有齋房各三楹倉庖備具今廢堂後爲尊經閣左右號房十二楹閣後爲敬一亭建自嘉靖十年詔貯御製敬一箴碑

列南面左右碑各二鐫程子視聽言動四箴及范
浚心箴焉今俱未復亭之右啓聖祠三楹明倫堂
東偏爲文昌祠名宦鄉賢並列其後最後則宋韓
忠獻之醉白堂也今廢其西偏爲官署教諭署一
訓導署二今止存一

○禮樂

明洪武初定以仲春仲秋上丁日遣官祭孔子於國
學至十五年始詔天下儒學通祀孔子以仲春秋

上丁爲期先期齋戒省牲一如會典 國朝因之
神位明洪武初建國學奉孔子木主至嘉靖九年始
詔天下盡易塑像爲木主 國朝因之

稱號明洪武初詔正諸神封號惟孔子特仍其舊至
嘉靖九年以大學士張璁議易大成至聖文宣王
爲至聖先師孔子易四配堯國郟國沂國鄒國公
爲復聖顏子宗聖曾子述聖子思子亞聖孟子易
十哲閔子冉子端木子仲子卜子冉子宰子冉子

言子顓孫子爲先賢其東廡四十九位澹臺滅明

第一原憲第二南宮适第三商瞿第四漆雕開第五司馬耕第六

有若第七巫馬施第八顏辛第九曹卹第十公孫龍第十一秦

商第十二顏高三第十壤駟赤第四石作蜀第五公夏

首第六后處第七奚容蒧第八顏祖第九句井疆

第十秦祖第十一縣成第十二公祖句茲第十三燕伋第二

十四樂欵第十五狄黑第十六公西蒧第十七孔忠第十八顏

之僕第十九施之常第三申棖第十一左丘明第十二俱

稱先賢某子康熙丙寅年奉

旨進宋儒張載

第十三

程頤

第十四

朱熹

第十五

并稱先賢

某子穀梁赤

第三十六

伏勝

第三十七

后蒼

第三十八

董仲舒

第三

十王通

第四十

司馬光

第四十一

胡瑗

第四十二

羅從彥

第四十三

呂祖謙

第四十四

蔡沈

第四十五

許衡

第四十六

王守仁

第四十七

陳

獻章

第四十八

胡居仁

第四十九

俱稱先儒某子舊尙有曾

點孔鯉改入啓聖祠由黨卽申棖去黨存棖鄭衆

盧植服虔改祀於其鄉顏何荀况劉向王肅杜預

俱黜西廡四十八位
宓不齊第一 高柴第二 公冶長第三

樊須第四 公皙哀第五 商澤第六 冉孺第七 梁鱣第八 伯虔第九

冉季第十 漆雕徒父第十一 漆雕哆第十二 公西赤第十三

任不齊第十四 公良孺第十五 公肩定第十六 鄒單第十七

罕父黑第十八 榮旂第十九 左人郢第二十 鄭國第二十一 原

亢第二十二 廉潔第二十三 叔仲會第二十四 公西與如第二十五 邾

異第二十六 陳亢第二十七 琴張第二十八 步叔乘第二十九 秦非第三十

顏澮第三十一 俱稱先賢某子
康熙丙寅年奉

大學系示
卷之二十一 學校
氏恩堂

旨進宋儒周敦頤第三程顥第三邵雍第三并稱先

賢某子公羊高第三高堂生第三毛萇第三孔安

國第三杜子春第三韓愈第四歐陽修第四胡安

國第四楊時第四李侗第四張栻第四陸九淵第四

六第四真德秀第四薛瑄第四俱稱先儒某子舊尚有

顏無繇改入啓聖祠蘧伯玉林放鄭元范甯吳澄

改祀於其鄉公伯寮秦冉戴聖賈逵馬融何休王

弼俱黜

儀贊四拜今更九叩頭正位前知縣行禮四配教諭
行禮十哲訓導行禮東廡縣丞行禮西廡典史行
禮

迎神樂奏咸和之曲無舞初獻樂奏寧和之曲舞應
之亞獻終獻俱奏景和之曲舞應之撤饌送神望
瘞俱奏咸和之曲無舞

祭器

祝版一獻爵一百有九小爵一百有一登五鉶二

十簋三十有九簋如之籩一百六十四豆如之筐
九牲俎二牲盤一百有九尊五杓五纂布如之祝
案一尊案一爵帛案如之盥盆二帨巾三香案九
香爐四十有一燭臺如其數而兩之毛血盆九瘞
毛血盆七鑊九明洪武四年定制陳設置高案籩
豆簋簋登鉶悉用磁器成化十二年增定籩豆各
十有二嘉靖九年定國學祭用十籩十豆天下府
縣學俱八籩八豆 國朝因之

執事

讀祝一人通贊二人引贊十人拂拭七人陳設十
一人撤饌十一人監宰二人瘞毛血七人奉帛九
人執爵九人接帛九人接爵九人司盥洗三人司
尊一人司樂一人司班次二人司大榜一人司香
燭六人司飲福二人司受胙二人司搗二人集禧
一人司滌祭器二人

樂舞

嘉靖九年更定樂用六佾 國朝因之麾一應鼓

一搏拊鼓二編鐘一十有六編磬一十有六祝一

敵一笙六管簫六排簫二笛六琴六瑟二箎二埙

二以上樂生所司節二翟三十六簫三十六以上舞生所執工歌

八人奏樂四十人舞三十六人

祝文書於版維某年月日河南彰德府安陽縣知縣

某敢昭告於

至聖先師孔子惟師德配天地道貫古今刪述六經